

Sakspapir

Sakshandsamar	Arkiv	ArkivsakID
Berit Karin Rystad	FE-150	23/490

Saksnr	Utval	Type	Dato
071/23	Formannskapet	PS	28.11.2023
	Kommunestyret	PS	

Forslag til betalingssatsar i Fedje barnehage, kommunebudsjett 2024

Saksutgreiing:

Saksopplysningar

I august 2020 vart det innført gratis barnehageplass i Fedje kommune. Tal born hadde gått nedover i fleire år, og for å snu utviklinga vedtok kommunestyret at barnehagen på Fedje skulle være gratis (bortsett i frå matpengar).

I framlegg til kommunebudsjett for 2024 foreslår kommunedirektøren å innføre betaling i barnehagen.

Frå og med 1. januar 2024 er maksprisen for ein barnehageplass 3000,- per måned. Stortinget har lagt fram forslag om å redusere prisen til 2000,- og til 1500,- i dei 189 mest spreidd bygde kommunane frå og med 1. august. Fedje kommune er ein av desse 189 kommunane. Ved å innføre brukarbetaling i barnehagen vil dette utgjere ei samla inntekt på om lag kr 400.000,-.

Redusert foreldrebetaling

Ordninga gjeld for familiar som har låg inntekt. Ein familie skal ikkje betala meir enn 6 % av brutto årsinntekt for ein barnehageplass.

Ordninga med gratis kjernetid for familiar med låg inntekt vil gjelde 2-, 3-, 4- og 5 åringer som bur i eit hushald med ei samla inntekt under kr 533 500,-. Frå 1. august 2024 prisjusterast dette til kr 566 100,-.

Viss nokon vel å berre bruke dei 20 timane, er tilbodet gratis.

Matpengar kjem i tillegg til betaling for barnehageplassen. Dei vert justert i eiga sak.

Søskenmoderasjon

Foreldre med meir enn eitt barn i barnehage skal ha søskenmoderasjon, denne vert berekna slik:

For første barn må du betale ordinær pris.

For barn nummer to vert det trekt 30% i søskenmoderasjon.

For barn nummer tre og fleire vert det trekt 100% i søskenmoderasjon.

Det er ikkje naudsynt å søkja om ordninga, den vert berekna automatisk. Søsken må bu i same hushald. Redusert pris for søsken gjeld ikkje mellom barnehage og SFO.

Vurdering

Fedje kommune står i ein krevjande økonomisk situasjon. Me driftar for dyrt i forhold til dei inntektene me rår over. Dei to siste åra har det vært auke i tal born i barnehagen. Dette er veldig gledeleg og ein ønska utvikling. Gratis barnehage har vært eit viktig grep for å snu ein negativ trend.

Kommunedirektøren vurderer det no slik at kommunen ikkje har råd til å tilby gratis barnehageplass. Difor kjem ho med forslag om å innføre betaling i barnehagen frå 01.01.2024.

Utrekningar for betalingssatsar vil sjå slik ut:

Tilbod	Ant.dagar	Anta.timar	Opphald	Mat	Totalt
100 %	5 dagar	50 t/veka	kr 3 000	kr 365	kr 3 365
80 %	4 dagar	40 t/veka	kr 2 400	kr 312	kr 2 712
60 %	3 dagar	30 t/veka	kr 1 800	kr 285	kr 2 085
40 %	2 dagar	20 t/veka	kr 1 200	kr 250	kr 1 450

I frå 1. august blir desse satsane redusert med 50% slik forslag til statsbudsjett ligg føre. Det vil seie at ein familie vil betale 1500,- for full barnehageplass (100%) pluss matpengar, totalt kr 1865,-.

Gebyr ved for sein henting er kr. 200,-
Kjøp av ekstra dag 320,-

Konklusjon

Kommunedirektøren foreslår å innføre betaling i barnehagen grunna auke i lønsutgifter til barnehagen og ein krevjande økonomisk situasjon i Fedje kommune. Alle einingar må gjennomføre innsparingar til neste år, og for å halde på den gode kvaliteten i barnehagen vurderer kommunedirektøren det slik at dette vil være den beste løysinga.

Forslag til vedtak:

Kommunestyret vedtek å innføre betaling i Fedje barnehage frå 01.01.24

For Fedje barnehage vert satsane for dei ulike opphaldstidene i barnehagen med verknad frå 01.01.2024 slik det kjem fram av tabellen i saksutgreiinga.